

# **14 OCTOMBRIE RUGĂCIUNEA SF. CUVIOS NICOLAE SVIATOȘA DE LA PECERSKA**

Молитва преподобному Николе Святоше, князю Черниговскому, Печерскому чудотворцу  
О, блаженне преподобне отче наш Николо, отеческое достояние и престол града Чернигова ради Господа оставивый и всеблагое иго жития иноческаго на рамена своя подъявый, подвиги своими обитель Печерскую светло украсивый и яко многоценное сокровище чудотворныя своя мощи нам преславно оставивый! Во дни земнаго жития твоего явил еси образ благочестия и мужества, терпения и любви, милосердия и кротости. По отшествии же своем многими чудесы утешил еси всех, притекающих к тебе и помощи твоея умильно просящих, даруя болящим исцеление, скорбящим радование, утесняемым поможение, всем же скорое и благодатное предстательство пред Престолом Божиим.

Темже и ныне, к тебе прибегающе и пред святою твоею иконою молебныя гласы приносящее, со упованием просим: всеблаженне и милостиве отче наш Николо, ради благодетельного и благочестиваго жития твоего

Святошею нареченный, теплыми твоими молитвами исходатайствуй от Господа вся благопотребная, болящих и недугами утесняемых уврачуй, в союзе супружестве подвиг свой совершающим любовь укрепи и миром и благоденствием дни их украси, иночествующих плодами добродетелей пресветло увенчай, отроком, науки постигающим, разум светом Премудрости Божия просвети, во тме греховней сущим вразумление и покаяние даруй, ересми и расколами ослепленных ко спасительной стези истинныя веры направи, в пути сущих настави, и всех нас во благочестии и исполнении заповедей утверди, да милостию Божиею и предстательством твоим сподобимся неосужденно славословить Отца и Сына и Святого Духа во веки. **А**минь.

